

SCRIPT OF EVENING GOJRI NEWS BULLETIN 27FEB 2025

1700HRS

اوننگ گوجری نیوز بولیٹن 27 فروری 2025

یوہ آکاشوانی جموں بے عبدالرحمان تے نصرت تیں خبر سَنو۔

HEADLINES

- ۱۔ وزیر اعظم نریندر مودی نے مہا کُنْبھ نانبہ اتحاد غو مہایگیہ قرار دیتا واں ایک نوا دور غی شروعات تے تبدیلی غی علامت کہیو۔
- ۲۔ جموں کشمیر اسمبلی گا سپیکر عبدالرحیم راتھر نے بجٹ اجلاس نانبہ ہموار طریقہ سنگ چلان واسطے کُل جماعتی میٹنگ بلائی۔
- ۳۔ جموں کشمیر اسمبلی غا بجٹ اجلاس غی تیاریاں زور شور تیں جاری بے اجلاس ۳ مارچ تیں شروع وے گو۔
- ۴۔ مرکزی وزیر رام ساد اٹھالے نے کہیو جموں کشمیر تیں دفعہ ۰۷۳ غی منسوخی مرکزی حکومت غی سب تیں بڑی کامیابی بے۔
- ۵۔ بھارتی محکمہ موسمیات نے جموں کشمیر مانہ اگلہ ۲ دنان واسطے بارش تے برف باری غے مزنظر اورینج الرٹ جاری کیو بے۔

PM MAHAKUMBH

وزیر اعظم نریندر مودی نے مہا کُنْبھ نانبہ اتحاد گو مہا یگیہ قرار دتا واں اج کہیو بے جے بھارت نانبہ اپنی وراثت ور فخر بے تے ایک نویں قوت غے سنگ اگے بدھ رہیو بے وزیر اعظم نے پریاک راج مانہ منعقد مہا کُنْبھ غی کامیابی نانبہ سراپتا واں کہیو جے یوہ جدید انتظامی ماہرین منصوبہ بندی تے پالیسی ماہرین مانہ اس پیمانہ تے وسعت غی کوئی دوجی مثال نہیں بے تے ۱ سو ۴۴ سال بعد سنتان نے ایک بار فر ایک نوو پیغام دتو بے جس غو نعرو بے ترقی یافتہ بھارت ویکست بھارت وزیر اعظم نریندر مودی نے اپنا خیالات نانبہ اج سایع کردہ ایک بلاگ مانہ قلمبند کیو بے اُنہاں نے اس گل ور زور دتو بے جے دنیا ضییرت سنگ تک ربی تھی جے کس طرح کروڑان افراد پریاک راج مانہ دریا واں گا سنگم غے کندے جمع ہوئی اُنہاں نے مزید کہیو جے ان لوکاں نانبہ کوئی دسمی دعوت نامو یا پہلاں تیں کوئی مواصلت موصول نہیں ہوئی تھی۔ تے اُنہاں نانبہ کو جانو بے تے فیر وی کروڑان افراد اپنی مرضی سنگ مہا کُنْبھ واسطے روانہ ہوو تے مقدس پائیاں مانہ ڈبکی غے لطف نانبہ محسوس کیو۔

SPEAKER AMP

جموں کشمیر قانون ساز اسمبلی غا سپیکر عبدالرحیم راتھر نے اج ایک کُل جماعتی میٹنگ طلب کی تانجے ۳ مارچ تیں شروع ہون آلا بجٹ اجلاس غا ہموار انعقاد نانبہ یقینی بناو جاسکے۔ حکمران نیشنل کانفرنس غ انمائندہ تے حزب اختلاف غی جماعتان غا ممبران قانون سازان نے جموں غا قانون ساز کمپلیکس مانہ منعقد اس میٹنگ مانہ اج شرکت کی حزب اختلاف غا لیڈر تے بی جے پی غا ممبر اسمبلی سنیل شرما واضع کیو جے اُن غی حمایت کسے وی ایسی قرار دار یا بل نانبہ قبول نہیں کرگ گی۔ جہیڑا پیلیز ڈریمو کرکٹک پارٹی یا پیلیز کانفرنس غی طرفوں پیش کیا جیں تے جہیڑہ قومی مفاد غے خلاف غیر مشروط نوعت

غا وین سی پی ایم غا قانون ساز محمد یوسف تاراگامی تیکانگریس غا ممبر قانون ساز اسمبلی غلام احمد میر نے کہیو جے سال ۲۰۱۸ مانہ لایا گیا صدر راج تین بعد پہلی وار اسمبلی مانہ عوامی مسائل نانہ اُجاگر کیو جے گو۔

ASSEMBLY SESSION

جموں کشمیر قانون ساز اسمبلی غا انتہائی متوقع بجٹ اجلاس غی تیاریاں جاری ہیں جہیڑو ۳ مارچ ۲۰۲۵ نانہ شروع ہون آلو ہے آکاشوانی جموں غا نمائندہ غی رپوٹ غے مطابق اس اجلاس غا افتتاح لیفٹیننٹ گورنر منوج سنہا جموں مانہ کرینگا جہیڑہ موقع طور ممبران سنگ خطاب کرینگا تے آن آلا مالی سال واسطے حکموت غا نظریہ نانہ پیش کرینگا اجلاس غا حسن انعقاد نانہ یقینی بنان واسطے وسیع پیمانہ ور انتظامات کیا گیا ہیں تے قانون ساز کمپلیکس غے ادر گرد حفاظت غا سخت انتظامات کیا گیا ہیں اور شرکاء غی سہولت واسطے ضروری بنیادی ٹہانچہ غی بہتری مکمل کی جارہی ہے اس اجلاس مانہ بجٹ ور اہم مالیاتی بجٹ ومبائے تے تبادلہ خیال موقع ہیں جہیڑہ کہ مرکز غے زیر انتظام علاقہ واسطے انتہائی اہم ثابت وینگا یوہ بجٹ اجلاس ایسا وقت مانہ ہو رہیو ہے جد انتظامیہ بنیادی ٹہانچہ غی تر فی فلاحی پروگراماں تے اقتصادی ترقی نانہ فروغ ور توجو مرکوز کر رہی ہے۔

SEARCH OPERATION

فوجی گڈی ور فائرنگ کرن آلاں دہشت گردان نانہ ختم کرن واسطے تلاشی اوپریشن جاری ہے یوہ واقعیو راجوری ضلع غا سُنڈربنی سیکٹر گا پھال گراں مانہ پیش آئیو فوج نے پھال تے بین العقوامی سرحد گے قریب علاقان نانہ گھیرہ مانہ لے لیو ہے۔ فوجی پی آر او نے اج باضابطہ بیان جاری کرتا واں کہیو کہ گزشتہ روز سُنڈربنی مانہ ایک بھارتی فوجی قافلہ ور دہشت گردان نے فائرنگ کی فائرنگ غیر موثر رہی تے ماری فوج نے فوری طور ور جوابی کاروائی کی۔ اس وقت دہشت گردان کی تلاش تے کاتمہ واسطے اوپریشن جاری ہے۔

ANNOUNCEMENT

علاقائی خبراں آلو شعبو آکاشوانی جموں غی طرفوں ضلع کٹھوعہ واسطے عارضی نامہ نگاراں یعنی پی ٹی سی غو پینل بنان خاطر درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہ دلچسپی رکھن آلا ایسا امیدوار درخواست دے سکیں گا جہیڑا ضلع کٹھوعہ گا بسنیک وین تے اُن غی عمر غی حد 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہ ڈگری یا فیر تسلیم شدہ یونیورسٹی تیں گرجویشن غے ہمراہ 2 براں غو صحافت مانہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات نے میڈیا کوریج مانہ تجربو وی ضروری ہے۔

عارضی نامہ نگار غی پوسٹ مانہ دلچسپی رکھن آلا امیدوار واسطے لازمی ہے جے ضلع صدر دفتر کٹھوعہ یا اس تیں 10 کلو میٹر غادائرہ غے اندر رہائش پزیر وے اس سلسلہ مانہ درخواست غی ہارڈ کاپی ضروری دستاویزات غے ہمراہ بیڈ ریجنل نیوز یونٹ آکاشوانی پنچترتھی جموں مانہ بڑاں خود آئیندہ 7 مارچ توڑی دے سکیں۔ اس بارے مزید جانکاری ویب

ور www.newsonair.gov.in سائیٹ

دستیاب ہے۔

UNION MINISTER ATHAWALE

سماجی انساف وبا اختیاریت غ امرکزی وزیر مملکت رام داس اتھا والے جہیڑہ کہ جموں غا دورہ ور ہیں نے جموں کشمیر مانہ مرکزی حکومت غا ترقیاتی منسوبان نانہہ اُجاگر کیو ہے جموں گا کنو وینشن مرکز مانہہ ایک پریس کانفرنس سنگ خطاب کرتا واں جناب اتھاوالے نے کہیو جے جموں و کشمیر تیں دفعہ ۰۷۳ غو خاتمو مرکزی حکومت غی سب تیں بڑی کامیابی ہے اُنہاں نے دسیو جے دفعہ ۰۷۳ غ ابٹن توں بعد تیں لے غے ہون تک ۲ کروڑ ۰۵ لکھ تیں زیادہ سیلانیان نے جموں کشمیر غو دورو کیو ہے جدکہ اس تیں پہلاں لوک ایت آن تیں خوفزدہ وین تھا اُنہاں نے یقین دہانی کروانی جے جلد ہی جموں کشمیر مانہہ ریاست غو درجو بحال کردتو جے غو۔ اُنہاں نے مزید دسیو ہے جے سال ۲۰۱۰ تیں ہُن توڑی پورہ بھارت مانہہ ۴۵ کروڑ ۴۸ لکھ ۰۹ ہزار بینک کگاتہ کھولیا جا چکا ہیں۔ وزیر موصوف نے کہیو جے پردھان منتری مدرہ یوجنا سکیم غے تحت ۱۵ کروڑ ۳۹ لکھ ۳۴ ہزار افراد نے بنکاں تین قرج لے غے اپنا چھوٹا کاروبار شروع مرکزی وزیر مملکت رام داس اتھاوالے مزید کُج اس طرح کہیو۔

TRANSPORT COMMISSIONER

جموں کشمیر ٹرانسپورٹ محکمہ غا کمشنر وشیش مہاجن نے ریاسی غو دورو کیو تانجے آمدرفت سیکٹر غی کارکردگی غو جائیزو لیو جاسکے تے عوام توڑی خدمات غی فراہمی مانہہ برقیاتی تبدیلی غی اہمیت نانہہ اُجاگر کرسکیں۔ دورہ غے دوران کمشنر مہاجن نے مقامی نقل و حمل حُکام تے شراکت داراں غے نال تبادلہ خیال کیو حکومت غی جانب تیں خدمات نانہہ برقیاتی اقدامات غے زریوے آسان بنان غا عزم ور زور دتو۔ اُنہاں نے آن لائن سہولت فراہم کرن غا نظام غا نفاذ غو جائیزو لیو تے افسراں نانہہ ہدایت دتی کہ عوام نانہہ آمدرفت تیں متعلق سہولت صاف تے آسان طریقہ سنگ فراہم کی جیں غی۔ کمشنر نے نقل و حمل کرن آلاں ڈرائیوریاں تے عام عوام غے نال وی ملاقات کی اُن گا مسائل سنیا تے سڑک حفاظتی قوانین غی پابندی غی ضرورت ور زور دتو اس سلسلہ مانہہ گل کرتا واں ٹرانسپورٹ محکمہ غا کمشنر وشیش مہاجن نے اس طرح کہیو۔

WEATHER

بھارتی محکمہ موسمیات نے اگلا ۲ دنناں واسطے جموں کشمیر تے ہماچل پردیش مانہہ بارش تے برف باری غا حوالہ تیں اورینج الرٹ جاری کیو ہے ان علاقاں مانہہ درمیانہ درجہ تیں لے غ شدید درجہ غی بارش ہون غی پیشن گوئی کی گئی ہے۔ محکمہ موسمیات نے شمالی پنجاب تے اُتراکھنڈ مانہہ وی بارش واسطے یلو الرٹ جاری کیو ہے۔ آکاشوانی نیوز نال گل کرتا واں بھارتی محکمہ موسمیات غا سائنسدان ڈاکٹر سوما سین نے دسیو کہ شمالی بھارت غا کئی علاقاں مانہہ گرج چمک غے نال ہناس پین غا امکان ہیں۔ اُنہاں نے مزید کہیو کہ دہلی مانہہ اگلا ۳ دنناں توڑی ہلکی بارش تے گرج چمک غو سلسلو جاری رہ غو۔ محکمہ موسمیات غے مطابق اگلا ۲ دنناں مانہہ درجہ حرارت مانہہ تبدیلی آسکے۔ جس تیں بعد درجہ حرارت دوبارہ تیں بدھ سکے۔

DC DODA

ضلع ڈوڈھ غا ترقیاتی کمشنر ہرویندر سنگھ نے ڈی سی آفس کمپلیکس غا کانفرنس ہال مانہہ منعقد ایک اجلاس

مانہہ ضلع مانہہ جامع زرعی ترقیاتی منصوبہ غا نفاذ غو تفصیلی جائیزو لیو۔اجلاس مانہہ
زرعی تے اس تیں متعلق شعوباں غا اہم اقدامات غی پیش رفت غو جائیزو لیو گیو۔ جسمانی
تے مالی پہلو واں غے نال نال مختلف پورٹل ور درخواستاں غی عمل در آمد ور وی تفصیلی
تبادلہ خیال کیو گیو۔ ڈی سی نے تمام محکماں مانہہ ہدایت کی جے اندراج غ عمل مانہہ تیز
کریں تے سکیمان غا موثر نفاذ مانہہ یقینی بناویں تانجے ایک مضبوط تے مُنافع بخش زرعی
نظام قائم کیو جاسکے۔

TRAFFIC ADVISORY

نویوگ ٹنل تے ناشری ٹنل غے درمیان مسلسل تیز بارش ہو رہی ہے جس غی وجہ تیں رام بن
غا مختلف مقامات جسراں کہ مہر گنفر پنتھیال گا دوئے پاسے گنگرو تے کشتواڑی پتھر مانہہ
جگہ جگہ پتھر پین غا واقعات ہو رہیا ہیں۔ اس گے نال ہی دلواس مہر ماروگ تے کشتواڑی
پتھر توڑی آمدرفت آہستہ ہو گئی ہے۔ مسافراں تیں گزارش ہے جے اپنو سفر موسمی ہدایت
غے مطابق طے کریں جموں کشمیر قومی شاہراہ ۶۶ غا بارہ مانہہ تازہ ترین معلومات
واسطے دتا گیا نمبراں ور رابطو کریں۔ نمبر ۶۵ 9419993745 تے 18001807043
